

056379

幼 科 祕 訣

陳 氏 著



上海中醫書局 出版

幼 科 祕 訣

陳 氏 著

上海中醫書局出版

幼 科 秘 訣

開本：762×1057 1/32 印張：1 5/8 頁數：26 字數：15.8 千

著 作 者 蘇 州 陳 氏

校 正 者 諸 城 王 肖 舫

出 版 者 中 醫 書 局
上 海 山 東 中 路 二 六 號

經 售 者 上 海 圖 書 發 行 公 司
上 海 山 東 中 路 一 二 八 號

印 刷 者 利 明 印 刷 廠

版權所有 · 不准翻印

1955年6月重1版—第1次印刷 定價：貳角伍分

製版：國光 裝釘：春申記 印數：1—2,000 冊

幼科祕訣目錄

初生	一	沐浴	一
噤風	二	撮口	二
臍風	三	氣閉	五
軀啼	六	傷風	六
咳嗽	八	瘡	九
吐	一一	吐瀉	一二
霍亂	一五	積	一六
痢	一九	疳	二二
腫脹	二五	驚風	二八

驚風死症歌·····	三一	脈法·····	三一
慢驚慢脾·····	三一	風毒驚癱鶴膝候·····	三三
痢·····	三四	腹痛·····	三六
蟲·····	三七	心痛·····	三八
咽喉·····	四〇	暑·····	四〇
脫肛·····	四一	熱·····	四一
黃疸·····	四二	淋症附白尿·····	四二
眼目赤腫·····	四四	痧疹·····	四五
痧疹後四危症·····	四七	面青聲啞不治·····	四七

幼科祕訣

蘇州陳氏

浙東慈竹居士藏

初生

小兒生下。以甘草黃連馬料豆多煎湯與之服。蓋穢吞胸中。吐以甘草。穢入腹中。利以黃連也。茯苓丸能治初生小兒腹滿氣短不能飲乳。是穢物入腹所致。若胎中受寒。令小兒腹痛亦治。

茯苓丸 赤茯苓 黃連（寒症不用宜用芍藥）蜜丸桐子大乳汁下一丸
沐浴

宜益母草湯。令兒體滑。血脈流通。免生瘡疾。

益母草 黃連各一兩 蛇床子 苦參各二兩 藁本五錢 硃砂 雄

黃各一錢

又方 桃枝 梓枝

煎湯臨浴時加豬胆一個入內

噤風

噤風者初生七日內忽然目閉口噤啼聲不出。下青糞。舌上有瘀肉如粟。吃乳不得。口吐白沫。大小便皆通。由在胎受熱毒流入心脾。故見于喉舌之間。或初生時爲風邪搏擊所致。名犯風噤。口中白粟用綿裹指蘸水擦破。百廿日內俱有此患。一口噤不乳腹急多啼。牙關緊閉。與撮口相似。赤者心噤。白者肺噤。

撮口

撮口者面目黃腫或赤。喘急啼聲不出。由胎受熱氣兼風熱入臍。流毒于心脾。故舌強唇青。聚口撮而飲乳有妨。若口吐白沫。四肢冷不治。或肚脹青筋。吊腸。

卵疝。內氣引痛。皆腸胃鬱結所致。十救二三。月內尤急。週歲始免。用白殭蠶直而明亮者佳二條。去絲嘴炙脆爲末。蜜調敷人中。卽瘥。或研牛黃一錢和竹瀝抹口中亦治。（按牛黃要嫩黃。輕虛重疊可揭。氣息微香。摩指甲竟透者。）

臍風

臍風者。斷臍後水濕風冷入臍。流于心肺。甚則發搐成驚。若臍凸四傍青黑。撮口不開。是爲內撮。爪黑者死。用赤脚蜈蚣一條。蝎尾四個。殭蠶七條。瞿麥五分爲末。先以鵝翎管吹鼻內。得噴嚏啼哭爲可治。後用薄荷湯調服。三者名雖不同。其原則一。皆因裏氣鬱結。壅閉不通。由斷臍太短。結得不緊。外風入臍。或牽動臍帶。水入生瘡所致。撮口尤甚。治當疎利。並用余家小紅丸下之。後用抱龍丸牛黃丸等。

心熱發驚。面青啼不出。吐白沫。腹脹硬。臍四邊浮腫。舌強不進乳。不與噤風同。

初生小兒熱在胸堂。頻頻作聲弩脹。治法宜去風。此症眉青臉赤勿用藥治。兒口噤牙關閉者。用天南星去皮臍爲細末。加龍腦少許和勻。指蘸薑汁同藥擦牙上。

小紅丸（又名辰砂丸） 金蝸（去毒洗淨）一兩 南星一兩 珍珠一錢
硃砂四錢五分 巴霜二錢五分

爲末糯米糊丸如芥子大。每歲三五丸。看小兒強弱用。十歲以外百丸方效。燈心湯下。須要活法加減用之。方稱弄斧之手。如六七十丸。四五十丸。在用之者裁酌。

抱龍丸 天竺黃一兩 膽星四兩 雄黃五錢

蜜丸龍眼核大約重一錢。硃砂爲衣。每服一丸。薄荷湯化下。

牛黃丸 枳實 黃連各一兩 膽星二兩 天竺黃五錢 天麻五錢

殭蠶 全蝎各三錢 雄黃三錢 龍齒煨三錢 牛黃一錢 麝香 冰片各錢半

蜜丸蠟封用則去蠟薄荷湯燈心湯化下。

氣閉

兒生一二日。大小便不通。腹脹滿而欲絕。此胎毒之氣鬱閉所致。急令婦人溫水漱口。吸兒前後心臍下。及手足心共七處。各吸五七口。赤紅頭爲度。氣散而自通。不然救亦無用。服余家小黑丸。及葱白散。葱白四寸。人乳內同搗如泥。敷入兒口。與乳使吐。後用當歸散。

當歸散 當歸八分 木通六分 連翹五分 滑石六分 甘草梢三分
水一鍾煎。不時服。

小黑丸 木香一兩五錢五分 丁香七錢五分 肉蔻麵包煨十個 杏

仁去皮尖百廿粒 百草霜一兩 巴霜前藥每一兩加巴霜一錢
丸法用法與小紅丸同

軀啼

兒生下身青白無血色。日夜啼不止。體仰而軀。腹滿不乳。大便青白。是在胎爲風冷所傷。而然。時時吐。或腹中如鷄子黃。接之如小鷄聲。而後出。若不急治。則成癰。宜用余家小黑丸及養臟湯。

養臟湯 白朮八分 芍藥六分 茯神七分 川芎五分 藿香六分
甘草四分 木香三分 鉤藤三分 澤瀉 肉豆蔻各七分
水一鍾薑三片煎服

傷風

風邪感於腠裏。先入於肺。肺主皮毛。其身日夜發熱無汗。鼻塞氣粗。不惡寒而

風。當風乃憎寒。呵欠煩悶。口中氣熱。當表散。宜加減芎蘇飲。

芎蘇飲

黃芩

柴胡

紫蘇

前胡

枳殼

半夏

桔梗

防風

白

茯苓

陳皮

甘草

乾葛

頭痛加川芎或白芷。偏身及肢節痛加羌活。夾食去枳殼加青皮枳實。或蒼朮。四五日熱不退。加麻黃服。麻黃又不退。熱入裏也。去紫蘇枳殼防風。加枳實竹葉石膏。用余家小紅丸下之。

有痰前飲內加貝母天花粉。或膽星。熱稍退而嗽。前飲內去紫蘇防風。加桑白皮杏仁或貝母。先當用小紅丸下之。嗽不轉者。熱鬱在肺。而氣不得宣通。加麻黃石膏。嗽甚見血。加山梔石膏。嗽久雖無血。亦加山梔。略有餘熱。前飲內去紫蘇柴胡防風加石膏。

兒百日內身熱。當用脫甲散。四五日不止。用小紅丸。

脫甲散 銀柴胡 龍膽草 知母 麻根各三錢 川芎 當歸各二錢
茯苓 人參各一錢 甘草一錢 葱白頭一個煎服

咳嗽

咳嗽屬肺。風熱鬱于肺則生痰。故嗽有喉間作小雞聲者。先用小紅丸下之。不惟下痰。且肺與大腸相爲表裏。腑不實。臟不能實也。大率順氣化痰清肺爲主。宜清金貝母湯。

清金貝母湯 貝母 杏仁 桑皮 花粉 桔梗 枳殼 甘草 黃芩
木通 蘇子 陳皮 茯苓

痰甚加膽星。食積痰去貝母加製半夏。山查。痰而嗽甚。加山梔。喘加馬兜鈴。或紫苑。嗽而血。加山梔石膏。嗽而氣逆。倍蘇子。嗽不轉。加麻黃石膏。嗽久。加欬冬花馬兜鈴。或瓜蒌仁紫苑五味烏梅。

食積痰。須用製半夏枳實青皮枳壳。嗽甚眼白。上有齖肉生者。此嗽傷血分也。宜服生地當歸入血分。檳榔下其氣。

瘧

瘧者有暑有痰有風有濕有食。兒病多食風痰。無汗要有汗散風邪爲主。大人兼補。小兒不必。宜清脾退熱飲。

清脾退熱飲 柴胡 黃芩 枳壳 半夏 花粉 青皮 檳榔 山查

常山 草薺 茯苓 陳皮 甘草

暑加香薷。渴甚加石膏。濕加蒼朮。

有汗要無汗。扶正氣爲主。大人小兒俱帶發散。用加減補中益氣湯。

補中益氣湯 人參 白朮 黃芪 柴胡 歸身 升麻 黃芩 陳皮

茯苓 加減法如前

久瘧一補一瀉 柴胡 黃芩 枳實 半夏 檳榔 山查 白朮 茯苓 陳皮 甘草

瘧後寒熱雖停。尚有餘熱。宜清脾退熱飲。去常山草菓。加地骨皮知母。腹脹加桔梗。薑子。

瘧母者寒熱時。血氣與邪相爭。飲冷所致。結塊在脇下。宜鱉甲丸阿魏丸等。

鱉甲丸 生地 當歸 川芎 紅花 牡丹皮 檳榔 蓬朮 香附 厚朴 鱉甲醋炙 穿山甲尤妙

阿魏丸 阿魏（沸湯泡）雄黃研末各二錢半 辰砂研末一錢半

麵糊丸菉豆大

胎瘧六七發過卽宜截。久則原氣虛。久瘧成勞。用四獸飲截瘧飲。

四獸飲 常山三錢 枳殼三錢 檳榔一個 生薑五片

水煎五更服。

截瘧飲 全歸三錢 川芎三錢 甘草三錢 何首烏二兩（新而大者佳）
陰陽水各一大碗煎一碗臨日面朝東五更溫服。

吐

吐症有五。一曰哕乳。哺過多。口角流出。滿而溢也。勿與乳。則以陳米煮粥與食。勿藥可也。二曰逆（上升爲逆）氣。貴下降。滑食順氣爲主。三曰吐。爲頓出有物。無聲。以蒼朮藿香二陳湯等。四曰嘔。爲漸出有物。有聲。亦用上方。五曰噦。卽乾嘔也。有聲無物。乃屬火。最爲惡候。生薑爲嘔家聖藥。若兒傷食爲多。不可與乳。乳味甘。令中滿。且動舌筋。起胃火。初生小兒便吐。由拭口中穢血不盡。或食胞漿。故令吐多。用甘草黃連汁。或吾家小黑丸。不止服正胃散。傷食吐冷吐可服溫胃調氣湯。

溫胃調氣湯 蒼朮正胃氣 厚朴泄中氣 半夏 香附正氣 山楂
神麴 麥芽 藿香正氣 乾薑 茯苓

服此不止。若見是冷。可加木香丁香厚朴。次第加之。若是傷食。以枳實青皮檳榔次第加之。用前藥又不止。是胃氣因吐而虛。面青白唇淡精神少。可加人參。此症必眼眶陷下。方可用參。若不用參。恐虛極生風。傳爲慢驚。

暑月有熱吐者。因冒暑或傷熱食。致熱氣入胃。食與氣相搏而吐也。其症眼眶陷唇燥舌有刺。大便秘黃射出。如臭鴨蛋腥氣。用水潑地。令兒臥上。用黃瓜同臥。宜服清熱之劑。如後吐瀉論中清胃止渴湯。可加減用之。初生小兒吐。余家小黑丸最妙。

吐瀉

脾胃俱虛。吐瀉併作。傷食爲多。四時俱有。或有春因於風。佐以防風天麻。夏因